

Komunikadu Imprensa

Asociação dos Ex-Prisioneiros Políticos no Klibur Solidariedade Timor-Leste

fó parabéns no solidariedade ba Prisioneiro Polítiku Palestina

Data: 6 fulan-juñu tinan 2017

Kontatu: Jacinto Alves (Tetun, Português), Assepol, ira.sequeira@gmail.com, 77698888

Celestino Gusmão (Tetun), maubere81@gmail.com, 77432621

Pamela Sexton (Inglés, Tetun), pamelabeth.sexton@gmail.com, 77449793

Nug Katjasungkana (Indonésia, Tetun, Inglés), nengahmetra@gmail.com, 77279770

Ami hato’o parabéns ba prisioneiro polítiku palestinianu (mane, fetu no labarik sira) ne’ebé – liuhosi greve han koletivu durante loron 40 – manán atinje 80% husi ezijénsia sira-nian ba direitos umanus báziku ne’ebé Israel viola sistematikamente. Ami celebra prisioneiro polítiku sira-nia asaun koletiva ne’ebé hatudu barani no aten-barani; Ami celebra imi-nia manán.

Tempu hanesan celebra, ami mós deklara solidariedade no bolu atensaun ba imi-nia luta ba liberdade, igualdade, autodeterminasaun no direitos umanus ne’ebé povu palestina buka durante tinan barak ona. Ami-nia istória nasionál hanorin katak bainhira ema hasoru okupasaun, esplorasau no injustisa, tenke reziste. “*Resistir e vencer.*”

Barak husi ami mak eis-prisioneiro polítiku, dadur husi Indonézia tanba ami la simu de’it okupasaun ilegál iha ami-nia rai doben. Durante okupasaun Indonézia, ami hasoru violénsia militar no abuzu direitos umanus; ami hasoru orden internasionál ida-ne’ebé orientadu ba interese kompañia Estados Unidos América no militarizmu. Ami defende ema nia dignidade – ami nian, ami-nia familia no comunidade nian. Ami defende ami-nia vizaun ba dame no justisa, agora no iha futuro. Ami enkoraja prisioneiro polítiku sira no hato’o katak dala barak, luta ba objetivu ne’ebé mulia (laran nakonu domin) ezije ita halo sakrifísiu ho determinasaun. Ita tenke fiar katak lia-loos sei manán no sei habelar felisidade ba ema barak. Sakrifísiu hotu sei hetan rekoñesimentu; "tudo vale a pena".

Ohin-loron, ami celebra ho imi no ami mós hasoru violasaun direitos umanus ema Palestina nian husi Estado Israel. Tuir ONG Klube Prisioneiro Palestina, iha prisioneiro polítiku palestinianu na’in-6,500 ne’ebé inklui labarik na’in-300. Ita hasoru violasaun sistemátika ida-ne’e, no mós hasoru papél Estados Unidos América ho ninia suporta maka’as ba militarizmu no okupasaun. Ami defende direitos umanus báziku ema Palestina nian, inklui direito ba bee moos, uma, ai-han no servisu sosiál báziku sira no igualdade iha lei nia oin. “*A luta continua.*”

Iha kraik: Iha Ramallah, West Bank (fulan-abríl) foto sira husi prizioneiru sira durante demonstrasaun ne'ebé ezije liberdade ba ema-Palestina sira-ne'ebé dadur iha prizaun Israel nian.

In Ramallah, West Bank, April 2017. Photos of prisoners during a demonstration demanding the release of the Palestinians held in Israeli prisons.

Credit: Issam Rimawi/Anadolu Agency, via Getty Images

(https://www.nytimes.com/2017/04/16/opinion/palestinian-hunger-strike-prisoners-call-for-justice.html?_r=0)

